

6. gr.

Stjórn sjóðsins skipa þrír menn. Skal einn tilnefndur af Kvenfélaginu Bergþóru en tveir af Kirkjukór Kotstrandar- og Hveragerðissókna.

7. gr.

Endurskoðendur skulu tilnefndir af Kvenfélaginu Bergþóru og Kirkjukór Kotstrandar- og Hveragerðissókna. Tilnefnir hvor aðili sinn endurskoðandann.

8. gr.

Leita skal staðfestingar forseta Íslands á skipulagsskrá þessari.

Staðfesting forsetans á skipulagsskrá fyrir Minningarsjóð frú Dönu Jóhannesdóttur frá Sæborg, Ólafsfirði, útgefin á venjulegan hátt að mandatum af dómsmálaráðherra 30. desember 1970.

Skipulagsskráin er þannig:

SKIPULAGSSKRÁ

fyrir minningarsjóð frú Dönu Jóhannesdóttur frá Sæborg, Ólafsfirði.

1. gr.

Sjóðurinn er stofnaður hinn 12. nóvember 1970 í tilefni af því að þá er 50 ára hjúskaparafmæli frú Dönu Jóhannesdóttur og Jóns Kr. Björnssonar.

2. gr.

Stofnfé sjóðsins er kr. 20 000.00 og er það lagt fram af eiginmanni frú Dönu Jóhannesdóttur, Jóni Kr. Björnssyni og börnum þeirra.

Sjóðurinn skal ávaxtaður í Sparisjóði Ólafsfjarðar eða á annan tryggilegan hátt að mati sjóðsstjórnarinnar.

3. gr.

Tilgangur sjóðsins er að styrkja Elliheimili Ólafsfjarðar til kaupa á lækningatækjum eða öðru því, sem stjórn sjóðsins telur mesta nauðsyn á, á hverjum tíma.

Óheimilt er að nota fé sjóðsins til rekstrar þessarar stofnunar.

4. gr.

Reikningsár sjóðsins er almanaksárið.

5. gr.

Sjóðurinn veitir viðtöku minningagjöfum og öðrum gjöfum.

Sérstök þar til gerð bók, skal liggja frammi í Elliheimili Ólafsfjarðar, og má færa í hana stutt æviágrip þeirra, sem minningagjafir eru gefnar um og skulu gefendur annast ritun þeirra.

6. gr.

Úthlutun úr sjóðnum skal í fyrsta sinn ekki fara fram fyrr en höfuðstóll hans er orðinn kr. 50 000.00, en þá má veita úr honum þá upphæð, sem umfram er kr. 20 000.00.

Eftir það er stjórn sjóðsins heimilt að veita fé úr sjóðnum eftir því sem henni þykir henta, þó þannig að óheimilt er að skerða höfuðstól sjóðsins þannig að hann verði lægri en kr. 20 000.00.

7. gr.

Stjórn sjóðsins skipa bæjarstjóri Ólafsfjarðar og þrjú ættingjar frú Dönu Jóhannesdóttur og skulu þeir vera kjörnir á fundi sem afkomendur frú Dönu Jóhannesdóttur halda ár hvert. Á sama hátt skulu kjörnir tveir ættingjar til vara.

Endurskoðendur reikninga Elliheimilis Ólafsfjarðar skulu endurskoða reikninga sjóðsins árlega.

Stjórn sjóðsins hefur á hendi alla framkvæmd fjárveitinga sjóðsins, reikningshald og fjárreiður allar.

8. gr.

Leita skal staðfestingar forseta Íslands á skipulagsskrá þessari.

Akureyri, 12. nóvember 1970.

F. h. Jóns Kr. Björnssonar samkv. umboði F. h. Rannveigar Jónsdóttur skv. umboði
Freyja Jónsdóttir. Freyja Jónsdóttir.

F. h. Hugljúfar Jónsdóttir skv. umboði F. h. Kristjáns Jónssonar skv. umboði
Freyja Jónsdóttir. Freyja Jónsdóttir.

Freyja Jónsdóttir.

REGLUGERÐ

um breyting á reglugerð um kjarasamninga starfsmanna sveitarfélaga nr. 159 frá 20. september 1962.

Ákvæði til bráðabirgða:

Varðandi kjarasamninga starfsmanna sveitarfélaga, sem koma í stað samninga, sem falla úr gildi 31. desember 1970, eru um málsmeðferð gerðar þessar breytingar á reglugerð nr. 159/1962:

1. Tímabil það, er sáttasemjari ríkisins hefur kjaradeiluna til meðferðar framlengist til 31. janúar 1971.
2. Hafi samningar ekki tekizt fyrir 1. febrúar 1971, tekur Kjaradómur kjaradeiluna til meðferðar, og skal hann hafa lagt dóm á ágreiningsefni fyrir 1. marz 1971.

Reglugerð þessi, sem sett er samkvæmt lögum nr. 55/1962, öðlast þegar gildi og birtist til eftirbreytni öllum þeim, sem hlut eiga að máli. Jafnframt er úr gildi felld reglugerð nr. 201 8. september 1970.

Félagsmálaráðuneytið, 30. desember 1970.

Emil Jónsson.

Hjálmar Vilhjálmsson.